



EXPTE.: 69/142

TRÁMITE: INFORME XUSTIFICATIVO DE SUBVENCIONS NOMINATIVAS DO 2021 DA CONCELLERÍA DE CULTURA E EMPREGO

**INFORME**

A petición do concelleiro delegado de Cultura e Emprego, emítese o seguinte informe xustificativo respecto das subvencións nominativas remitidas pola oficina de **Desenvolvemento Local e Emprego** para a súa inclusión no orzamento do ano 2021:

**- DESENVOLVEMENTO LOCAL E EMPREGO:**

I. Subvencións nominativas para fomento de emprego con motivo da organización de feiras e exposicións monográficas ou multisectoriais tendentes á divulgación, fomento, orientación e promoción de produtos en sectores estratéxicos (encadráranse dentro da Área de responsabilidade política de Cultura e Emprego, como Desenvolvemento promocional de eventos xeradores de emprego e de Fomento dos intereses económicos da localidade que contribúan á activación da economía local):

Esta subvención nominativa outórganse por mor da repercusión que cara ao fomento do emprego representa a organización destes eventos, integrándose no marco das políticas activas de emprego polas que a Concellería de Cultura e Emprego asume a tarefa de colaborar coas entidades empresariais, sociais e veciñais máis significativas no desenvolvemento dunha serie de accións de carácter dinamizador, do tecido empresarial e polo tanto do emprego entre a cidadanía de Vigo, entre as que cabe destacar a celebración de eventos feirais e empresariais de índole internacional, estatal e autonómica as cales redundan no beneficio da cidade en xeral e das persoas desempregadas en particular.

**1º- FEIRA VIGO INDUSTRIA PESQUEIRA (SEA FEST), con cargo á partida orzamentaria 24104700002, por importe de 100.000 €:** Subvención nominativa á Cooperativa de Armadores de Pesca do Porto de Vigo (F36608131), en colaboración coa Deputación Provincial de Pontevedra, para a promoción da produción pesqueira local e a súa importancia laboral, social e económica, así como a promoción turística de Vigo e das Rías Baixas, no marco da celebración do festival "VIGO SEAFEST", para dar a coñecer os produtos pesqueiros locais e a cultura gastronómica en torno a eles, ao tempo que representa unha oportunidade para potenciar o emprego nas empresas pesqueiras e o turismo en Vigo e nas Rías Baixas, especialmente no eido do festivais relacionados cos sectores primarios, aspirando incluso nunha cita de carácter internacional.

**2º- FEIRA METAL\_MINDTECH, con cargo á aplicación orzamentaria 2410 4700005, por importe de 55.000 €:** Subvención nominativa á "ASOCIACIÓN DE INDUSTRIALES METALURGICOS DE GALICIA" (G36614774), en colaboración coa Deputación Provincial de Pontevedra, a fin de potenciar e promocionar o sector industrial e metalúrxico galego, na que as empresas locais poidan amosar todo o potencial que se ten en Galicia, creando oportunidades de negocio tanto locais, coma nacionais e internacionais, dándose cita na feira as empresas líderes do sector industrial, metalúrxico, metalmecánico e das tecnoloxías asociadas, a nivel nacional e internacional.

**3º.- NAVALIA CONGRESS, con cargo á aplicación orzamentaria 2410 4800012, por importe de 5.000€:** Subvención nominativa a MUESTRALO ORGANIZACION DE EVENTOS FERIALES, SL (B-36.942.241) titular da marca nacional NAVALIA, a fin de potenciar e promocionar tanto a nivel nacional coma internacional o sector da industrial naval, na que as empresas locais poidan atopar un lugar de reunión onde amosar o potencial empresarial, xerar oportunidades de negocio e compartir coñecemento mediante o desenvolvemento de xornadas técnicas, mesas redondas, encontros empresariais e misións comerciais.

II. Subvencións nominativas para fomento de emprego a través das organizacións sindicais (encadráranse dentro da Área de responsabilidade política de Cultura, Emprego e Participación Cidadá, como Fomento e Desenvolvemento da Actividade de Representación Social e Sindical):

Subvencións nominativas encadradas no marco das medidas de fomento do emprego e de apoio ás persoas desempregadas en todas as súas vertentes, impulsadas pola Concellería polas que o Concello de Vigo asume a tarefa de colaborar coas entidades sindicais máis significativas e coa máis alta representación a nivel municipal, no desenvolvemento dunha serie de accións de carácter sociolaboral, que redundan en beneficio da cidade:



Copia do documento - Concello de Vigo

Data impresión: 13/11/2020 10:52

Páxina 1 de 2

Expediente 69/142

CSV: 21E489-4BE854-2DD68E-3Q8W8G-5VNQ9M-H1

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>



EXPTE.: 69/142

TRÁMITE: INFORME XUSTIFICATIVO DE SUBVENCÍONS NOMINATIVAS DO 2021 DA CONCELLERÍA DE CULTURA E EMPREGO

**1º.- CONVENIO UGT (G15383011) FOMENTO DO EMPREGO**, con cargo á partida orzamentaria 24104800001, por importe de 37.000 €.

**2º.- CONVENIO CIG (G36706927) FOMENTO DO EMPREGO**, con cargo á partida orzamentaria 24104800002, por importe de 37.000 €.

**3º.- CONVENIO CC.OO (G15103112) FOMENTO DO EMPREGO**, con cargo á partida orzamentaria 24104800003, por importe de 37.000 €.

**III. Subvencións para fomento de emprego dos colectivos prioritarios: mulleres vítimas de violencia, xente moza e persoas en risco de exclusión social** (encadraríanse dentro da Área de responsabilidade política de Cultura, Emprego e Participación Cidadá, dentro dos *Plans de Emprego*) :

Subvencións nominativas encadradas no marco das medidas de fomento do emprego e de apoio ás persoas desempregadas en todas as súas vertentes, especialmente dirixidas aos colectivos prioritarios, impulsadas pola Concellería, polas que o Concello de Vigo asume a tarefa de colaborar coas entidades e asociacións máis significativas no seu ámbito, no desenvolvemento dunha serie de accións de carácter sociolaboral, que redundan en beneficio da cidade.

**1º.- CONVENIO EMPREGO COA REDE DE MULLERES CONTRA OS MALOS TRATOS (G36928646)**, con cargo á partida orzamentaria 24104800007, por importe de 50.000 €:

O convenio ten por obxecto instrumentar unha subvención nominativa á "Asociación Rede de Mulleres Veciñais contra os malos tratos" no marco do plan municipal de emprego, para a potenciación do acompañamento e apoio ás mulleres vítimas de violencia de xénero, cara a súa reincorporación sociolaboral e fomento en todos os ámbitos sociais da eliminación da violencia mediante técnicas de prevención e concienciación social.

Dada a falta de persoal especializado na formación, acompañamento e apoio destas mulleres na cidade, outórgase a presente subvención nominativa á Asociación "Rede de Mulleres Veciñais contra os Malos Tratos" como única entidade inscrita no Rexistro Municipal de Asociacións, dedicada exclusivamente á atención a mulleres en situación de maltrato, e polo seu especial coñecemento da situación destas mulleres na cidade de Vigo.

**2º.- "FORO DE EMPREGO DA FACULTADE DE CIENCIAS ECONÓMICAS E EMPRESARIAIS"**, con cargo á aplicación orzamentaria 2410 4800011, por importe de 10.000 €: Subvención nominativa á UNIVERSIDADE DE VIGO (Q8650002B) co obxectivo de facilitar a busca de emprego por parte de estudantes e persoas egresadas e por en valor a calidade dos egresados da Universidade de Vigo, achegando as empresas ao talento universitario nun Foro non tecnolóxico de Emprego, que permita a maior interrelación posible entre o tecido empresarial e o estudantado universitario e poida satisfacer as necesidades do alumnado do ámbito xurídico-social e do ámbito científico, e contribuir ao desenvolvemento económico do noso entorno, evitando a fuga da alta porcentaxe do talento da Universidade de Vigo cara outras zonas de España e do extranxeiro, no marco das políticas municipais orientadas á ocupabilidade e inserción laboral da mocidade.

O que se informa aos efectos oportunos.

Vigo, na data da sinatura dixital

A xefa de Participación Cidadá e Desenvolvemento Local  
(Resolución do 23/10/2019)  
Carla Candia Paz

Vigo, na data da sinatura dixital

O Concelleiro Delegado de Cultura e Emprego  
(RA de delegación do 17/08/2020)  
Abel Losada Álvarez



Copia do documento - Concello de Vigo

Data impresión: 13/11/2020 10:52

Páxina 2 de 2

Expediente 69/142

CSV: 21E489-4BE854-2DD68E-3Q8W8G-5VNQ9M-H1

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>